



**REPUBLIKA E SHQIPËRISË**  
**MINISTRIA E FINANCAVE**  
**DREJTORIA E PËRGJITHSHME E DOGANAVE**  
**Drejtoria e Procedurave dhe Vjeljes së Detyrimeve**

Adresa: Rr. "Sami Frashri", Tirane

Tel 243920, 256547, Fax 274649

Nr 1661 Prot

Tirane, me ..../..../2006

**U D H Ë Z I M**

**Nr. \_3\_ datë \_09\_. \_02\_. 2006**

**Për zbatimin praktik të përfitimit dhe operimit me rregjimin e magazinimit doganor.**

Në zbatim të neneve 121 - 135 të Ligjit nr.8449 datë 27.01.1999 "Për Kodin Doganor të Republikës së Shqipërisë" dhe pikave 240 - 271 të Dispozitave Zbatuese të Kodit Doganor, miratuar me Vendimin e Këshillit të Ministrave nr.205, date 13.04.1999, lidhur me zbatimin praktik të Rregjimit të Magazinës Doganore, Drejtori i Përgjithshëm i Doganave :

**U D H Ë Z O N**

**Për përfitimin dhe operimet me rregjimin e magazinimit doganor do të veprohet si me poshtë:**

**1.Aplikimi për të përfituar rregjimin e magazinimit doganor**

Aplikimi për rregjimin e magazinimit doganor bëhet pranë degës doganore mbikqyrëse dhe duhet të përmbajë:

- 1.1 Kërkesën tip sipas aneksit 1 ( aneksi 26 ).
- 1.2 Çertifikatën e NIPT-it fotokopje të noterizuar.
- 1.3 Dokumentacionin ligjor të themelimit të shoqërisë.
- 1.4 Dëshmi penalteti, vërtetim së nuk ka ndjekje penale, të administratorit apo drejtorit të përgjithshëm, vërtetim së shoqëria nuk është në proces likuidimi.

- 1.5 Planimetri të ambienteve të planifikuara për rregjimin e magazinimit doganor të shoqëruara me foto për çdo plan si brenda ashtu edhe jashtë.
- 1.6 Aktin e kalibrimit të kontenierëve ( depozita, sillosa, etj. ) në rastet kur do të depozitohen lëngje apo materiale rifuxho.
- 1.7 Aktin e pronësisë së këtyre ambienteve ose kontratën e qiramarrjes ( me një afat që përputhet minimalisht me planifikimin ekonomik të shoqërisë ).
- 1.8 Një raport ekonomik minimalisht 2 vjeçar qe tregon nevojën ekonomike të shoqërisë për përdorimin e rregjimit të magazinimit doganor. ( sipas modelit të aneksit 2)
- 1.9 Një opinion nga dega e tatimeve ku është e regjistruar shoqëria në lidhje me aktivitetin e saj ekonomik.  
Dokumentacioni i mësipërm dorëzohet në degën doganore e cila do të mbikqyre këtë rregjim.

## **2. Procedura pregatitore**

- 2.1 Kryetari i doganës shqyrton dokumentacionin e paraqitur në tërësi dhe veçanërisht raportin ekonomik dhe në se e gjen me vend ( të plotë e të saktë ) nxjerr urdhrin e vizitës në ambientet e planifikuara për magazinim doganor. ( sipas aneksit nr 3)
- 2.2 Doganierët ( 2-3) e ngarkuar me këtë urdhër kryejnë vizitën në këto ambiente jo më vonë se 1 ditë nga dalja e urdhërit.
- 2.3 Vizita konsiston në verifikimin dhe plotësimin e të gjithë kërkesave që janë paraqitur në urdhër. Me mbarimin e vizitës aneksi 3 firmoset dhe i përcillet kryetarit të doganës.
- 2.4 Në se nga shqyrtimi i aneksit 3, nuk ka problematika që çenojnë funksionimin korrekt të rregjimit dhe mbikqyrjen e tij , vazhdon procedura me plotësimin e pjesës së mbetur nga aneksi 3 e cila i përket opinionit të kryetarit të degës së doganës, në të kundërt i kthehet përgjigje zyrtarisht për arsyet e ndërprerjes së procedurës së miratimit , mangësitë qe duhet të plotësohen, jo me vone se 1 jave nga paraqitja e kërkesës.
- 2.5 Jo me vone se 1 javë nga paraqitja e kërkesës dokumentacioni së bashku me aneksin 3 i përcillet departamentit teknik në DPD, dhe një kopje identike mbahet nga dega.

## **3. Shqyrtimi dhe miratimi**

Brenda 3 ditësh nga paraqitja e dokumentacionit të plotë ngarkohet një specialist për verifikimin e dokumentacionit.

- 3.1 Verifikimi konsiston në:
  - 3.1.1 Shqyrtimin e gjithë dokumentacionit.
  - 3.1.2 Shqyrtimin e anekseve 2 dhe 3.
  - 3.1.3 Kërkesë informacioni shtesë brenda DPD për shoqërinë në fjalë.
  - 3.1.4 Vizitë shtesë në ambientet e planifikuara për magazinim doganor në se ka nevojë për saktësime apo riverifikime.
  - 3.1.5 Plotësim të pjesëve përkatëse në aneksin 3.

- 3.1.6 Procesi nuk duhet të zgjatë më shumë se 1 javë, brenda kësaj periudhe nëse ka mangësi njoftohet shoqëria për plotësim apo pamundësinë e aprovimit.
- 3.1.7 Për paraqitjen e garancisë bankare që garanton 100% të detyrimeve doganore të mallrave që magazinohen sidoqofte kjo garanci nuk mund të jetë më e vogël se 4.000.000 lek .
- 3.1.8 Përpilohet autorizimi dhe i paraqitet për miratim shkallës hierarkike vendimarrëse në Drejtorinë e Përgjithshme e cila brenda 1 javë duhet ta shqyrtojë dhe ta miratojë, nëse nuk gjendet me vend njoftohet zyrtarisht shoqëria për shkaqet e mos aprovimit të këtij rregjimi.
- 3.19 Pas aprovimit njoftohet shoqëria për të shlyer taksen vjetore të rregjimit të magazinimit doganor. Me shlyerjen e kësaj takse autorizimi bëhet i vlefshëm në sistem dhe i dërgohet degës apo degëve që do të operojnë me këtë rregjim.

#### **4. Vlefshmëria e këtij rregjimi.**

- 4.1 Autorizimi do të ketë një vlefshmëri prej 6 muajsh e cila do të shërbejë si periudhë prove dhe testi për justifikimin ekonomik të këtij rregjimi.
- 4.2 Para mbarimit të këtij afati dega e doganës mbikqyrëse dërgon në DPD një raport mbi vazhdueshmërinë e këtij rregjimi, raporti duhet të përpilohet sipas modelit të aneksit 4 dhe duhet të jetë i miratuar nga kryetari i degës doganore.
- 4.3 Në bazë të raportit përpilohet autorizimi definitiv i cili aprovohet brenda 1 javë, në të kundërt njoftohet shoqëria për humbjen e rregjimit me arsyet përkatëse.
- 4.4 Për çdo ndryshim në autorizim përveç garancisë doganore ndiqet e njëjta procedurë sikur të ishte autorizim i ri ( me perjashtim të dokumentacionit të parashikuar në pikat 1- 9).

#### **5. Detyrimet e administruesit të rregjimit të magazinimit doganor.**

- 5.1 Plotësimi i regjistrit të magazinimit doganor standart të prodhuar nga DPD sipas aneksit 5 dhe 5/1. Mos plotësimi i këtij regjistri apo plotësimi me mangësi konsiderohet shkelje dhe trajtohet sipas penalteteve të parashikuara nga Kodi Doganor , regjistri elektronik nuk mund ta zëvendësojë plotësimin e regjistrit tip. Në rastet kur është autorizuar edhe depozitimi i mallrave shqiptare në të njëjtat ambiente detyrimisht duhet të jetë plotësuar libri i inventarit sipas aneksit 6 .
- 5.2 Dorëzimi zyrtar brenda çdo datë 5 të muajit pasardhës i gjendjes së stokut në degën e doganës mbikqyrëse.
- 5.3 Krijimi i kushteve të kontrollit të rregjimit ( dokumentar e fizik )në çdo moment kur dega e doganës është e interesuar.

Moskrijimi i tyre do të konsiderohet refuzim i kontrollit doganor dhe do të penalizohet deri në revokim të autorizimit.

- 5.4 Në rastet kur shoqëria për arsye të ndryshme nuk mund të kryejë aktivitet duhet të njftojë dhe kërkojë pezullimin e rregjimit Drejtorit të Përgjithshëm të Doganave. Ky pezullim aprovohet vetëm në rastet kur nga dega mbikqyrëse egziston konfirmimi se gjendja e stokut është 0 (zero) dhe nuk ka asnjë detyrim, në të kundërt do të konsiderohet si rregjim pa efekt ekonomik dhe do të revokohet.
- 5.5 Pagesa e tarifës vjetore të magazinimit doganor, brenda afatit.
- 5.6 Garanci të vlefshme të aprovuar nga DPD jo më pak se 4.000.000 lek, kërkesa për rinovim të garancisë nuk mund të bëhet më vonë se 10 dite para mbarimit të afatit të garancisë së vlefshme të autorizuar nga DPD.
- 5.7 Mos plotësimi i dy detyrimeve të fundit përbën një shkak të mjaftueshëm administrativ për revokim të autorizimit të magazinimit doganor.

## **6. Formalitetet e vendosjes së mallrave nën rregjimin e magazinës doganore:**

- 5.1 Për të gjitha tipet e magazinave vendosja e mallrave nën rregjimin e magazinës doganore kushtëzohet nga paraqitja e mallrave në magazinë dhe depozitimi pranë zyrës doganore mbikqyrëse i dokumentit administrativ të vetëm ( DAV ) i cili plotësohet si më poshtë;

### **Kutia 1:**

-Nëndarja e parë: **IM**

-Nëndarja e dytë:

- - **7** Vendosje në magazinim, përfshirë vendosjen e mallrave në ambiente të tjera nën kontrollin doganor.

- - **9** Furnizime bordi, Duty free shop

### **Kutia 37:**

**A** – nendarja e majte:

Kodet që aplikohen në këtë nëndaje janë katër shifrore. Dy shifrat e para tregojnë rregjimin e kërkuar dhe bazohen në kodet e nëndarjes së dytë të kutisë 1.

- në rastin e importit:

- - **71** Rregjimi i magazinimit doganor për mallra jo-shqiptare

- - **72** Rregjimi i magazinimit doganor për mallra shqiptare

- - **95** Furnizime bordi

- - **96** Furnizime për Duty free shop

Dy shifrat që vijojnë janë vazhdimësi e dy të parave përmendur më lart dhe tregojnë rregjimin doganor të mëparshëm. Për këtë arsye nëndarja e majte e kutisë 37 do të ketë 4 shifra me kombinime të ndryshme, të cilat gjenden në sistemin Asycuda++.

**B** – Nënndarja e djathte:

Një prej kodeve të miratuara të procedurës së zgjeruar në sistemin Asycuda++.

**Kutia 49:** Shënohet numri i identifikimit të magazinës sipas atij të dhëne në autorizimin e lëshuar nga Drejtoria e Përgjithshme e Doganave për miratimin e magazinës doganore. Ky numër përbehet nga germa korresponduese e tipit të magazinës dhe numri që individualizon çdo magazine brenda zyrës doganore mbikëqyrëse p.sh.;

- **A kodi i magazines**
- **C kodi i magazines**
- **E kodi i magazines.**

Autoritetet doganore të zyrës mbikëqyrëse nuk lejojnë hyrje mallrash në rregjim në rast se shumica e detyrimeve doganore nuk mbulohet nga garancia e pranuar .

## **6.2 Te Dhënat e Mallit. (Pergjegjesite e administruesit sipas nenit 124)**

Administruesi i magazinës duhet të regjistrojë rregullisht në regjistër të gjitha mallrat që hyjnë e dalin nga magazina. Regjistri perkates duhet të mbahet në ambientet e magazinës. Regjistri i mallrave do t'i vihet në dispozicion administruesit të magazinës nga Drejtoria e Përgjithshme e Doganave sipas modelit të përshkruar në Aneksin 5 dhe 5/1 të këtij Udhëzimi. Regjistrimi i mallrave në regjistrin e magazinimit doganor bëhet në momentin e vendosjes fizike të tyre në ambientet e përcaktuara të magazinës.

Regjistrimi në regjister duhet të bëhet jo më vonë se lëshimi i deklaratës për mbylljen (përfundimin) e këtij rregjimi, me destinacionin përkatës.

## **6.3 Manipulimet e lejuara të mallrave nën rregjim.**

*Manipulimet e zakonshme:*

Sistemim

Ajrim

Ndarje sipas llojit sasise cilësise etj

Grupim për plotësim të porosive.

*Manipulime të autorizuara.*

Amballazhim.

Riamballazhim në konfeksione të ndryshme tregtare.

Etiketim duke ruajtur parimet e cilësisë dhe origjinës.

Seleksionim.

## **6.4 Afati i qëndrimit të mallrave nën rregjim.**

Ne baze të nenit 131 të Kodit Doganor mallrat mund të qëndrojnë në magazine jo me shume së 12 muaj nga data e magazinimit. Kërkesa për shtyrjen e këtij afati, së bashku me argumentimin ekonomik përkatës paraqitet pranë Drejtorit të Përgjithshëm të Doganave , i cili në rast se e shikon të arsyeshme mund ta shtyje afatin edhe për 12 muaj të tjerë. Megjithatë, kur rrethanat e jashtëzakonshme e kërkojnë, afati i qëndrimit të mallrave në magazine mund të vendosen brenda kufijve kohore me të shkurtër

## **7. Transaksionet tregtare brenda rregjimit të magazinimit doganor.**

- 7.1 Rregjimi i magazinimit doganor lejon kryerjen e transaksioneve tregtare (shitje brenda rregjimit) duke presupozuar qe mallrat janë jo shqiptare dhe për tu bere të tilla duhet tu nënshtrohen rregullave doganore ose rieksporit apo destinacioneve të tjera doganore.
- 7.2 Te gjitha këto transaksione janë objekt i legjislacionit tatimor shqiptar dhe bëhen konform rregullave të tij.
- 7.3 Te gjitha transaksionet do të bëhen me fatura tatimore shitje të miratuara dhe në asnjë rast nuk mund të pranohen transaksione nen kosto.
- 7.4 Ne rastet e transaksioneve në magazinat e tipit C do të plotësohet aneksi nr 7 për mundësimin e veprimeve.

## **8. Mbyllja e rregjimit**

Mbyllja e rregjimit konsiston në hedhjen në qarkullim të lire, rieksporimin apo dhënien e një destinacioni tjetër doganor.

### *Kutia nr 40*

Ne ketë kuti shkruhet numri dhe data e dokumentit (DAV) të futjes të mallit në rregjim.

### *Kutia 37*

Procedurat përkatëse qe do të plotësohen në kutinë 37 do të jene ato të sugjeruara nga sistemi automatik të administrimit të veprimeve doganore Asycuda++.

## **9. Revokimi, anulimi.**

- 9.1 Vazhdimësia e autorizimit në fuqi do të varet nga përmbushja e kushteve të autorizimit në lidhje me kontrollin doganor, zhdoganimet, të dhënat e mallit dhe pagesën e shumës së shërbimi prej 200.000 Leke për çdo periudhe 12 mujore, për të mbuluar shpenzimet administrative të autoriteteve doganore, në

përputhje me piken 248.5 të Dispozitave Zbatuese të Kodit Doganor.

- 9.2 Ne rast se zyra doganore mbikëqyrëse konsideron se administruesi i magazinës ka dështuar të plotësojë kushtet e renditura me lart ose që nuk ekziston me një nevojë ekonomike për rregjimin, atëherë do të propozojë revokimin ose anulimin e autorizimit.
- 9.3 Drejtori i Përgjithshëm në baze të dhënave të paraqitura dhe argumentimit përkatës, pasi shqyrton rastin në fjale, mund të revokojë ose anulojë autorizimin.
- 9.4 Revokimi i autorizimit mund të bëhet nga Drejtori i Përgjithshëm edhe për shkaqe të tjera të arsyetuara konform legjislacionit që parashikon shkelje të këtij rregjimi.

#### **10. Dispozitat kalimtare**

- 10.1 Ky udhëzim hyn në fuqi menjëherë.
- 10.2 Udhëzimi 1 dt 06.06.2005 ç'fuqizohet.
- 10.3 Pas datës 15 mars 2006 të gjitha rregjimet e magazinimit doganor të aprovuara para daljes së këtij udhëzimi do të revokohen.
- 10.4 Ngarkohet Drejtoria e Procedurave dhe Vjeljes së Detyrimeve për mbikëqyrjen e zbatimit e funksionimit të këtij udhëzimi.

**Përparim DERVISHI**

**DREJTOR I PERGJITHSHEM**